

ÁKVÖRÐUN FRAMKVÆMDASTJÓRNARINNAR

2001/EES/26/14

frá 7. júlí 1999

um sameiginlega tækniforskrift fyrir aukin stafræn þráðlaus fjarskipti (DECT) —
DECT/GSM samsettan endabúnað(*)

(tilkynnt með númeri C(1999) 2026)

(1999/497/EB)

FRAMKVÆMDASTJÓRN EVRÓPUBANDALAGANNA
HEFUR,

með hliðsjón af stofnsáttmála Evrópubandalagsins,

með hliðsjón af tilskipun Evrópuþingsins og ráðsins
98/13/EB frá 12. febrúar 1998 um endabúnað til fjarskipta
og búnað fyrir gervihnattajarðstöðvar og gagnkvæma
viðurkenningu á samræmi þeirra ⁽¹⁾, einkum öðrum undirlið
2. mgr. 7. gr.,

og að teknu tilliti til eftirfarandi:

- 1) Framkvæmdastjórnin hefur samþykkt ráðstafanir samkvæmt fyrsta undirlið 2. mgr. 7. gr. um það fyrir hvaða gerð endabúnaðar til fjarskipta sameiginleg tækniforskrift skuli gilda, svo og tilheyrandi yfirlýsingu um gildissvið.
- 2) Samþykkja ber samsvarandi samhæfða staðla, eða hluta þeirra, til framkvæmdar grunnkröfunum sem breyta á í sameiginlegar tækniforskriftir.
- 3) Til að tryggja órofinn aðgang framleiðenda að mörkuðum er nauðsynlegt að gera ráð fyrir bráðabirgðafyrirkomulagi vegna búnaðar sem er viðurkenndur samkvæmt innlendum reglum um gerðarviðurkenningu.
- 4) Tillagan hefur verið lögð fyrir samþykkisnefndina (ACTE) samkvæmt 2. mgr. 29. gr.
- 5) Sameiginlega tækniforskriftin, sem kveðið er á um í þessari ákvörðun, er í samræmi við álit samþykkisnefndar endabúnaðar (ACTE).

SAMÞYKKT ÁKVÖRÐUN ÞESSA:

1. gr.

1. Þessi ákvörðun gildir um endabúnað sem er ætlaður til að tengja við almennt fjarskiptanet og fellur undir gildissvið samhæfða staðalsins sem um getur í 1. mgr. 2. gr.

(*) Þessi EB-gerð, sem birtist í Stjtið. EB L 192, 24.7.1999, bls. 58, var nefnd í ákvörðun sameiginlegu EES-nefndarinnar nr. 29/2000 frá 31. mars 2000 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn. Sjá EES-viðbæti við Stjórnartíðindi Evrópubandalaganna nr. 27, 15.6.2000, bls. 7.

(1) Stjtið. EB L 74, 12.3.1998, bls. 1.

2. Í þessari ákvörðun er kveðið á um sameiginlega tækniforskrift fyrir tengikröfur vegna búnaðar fyrir aukin stafræn þráðlaus fjarskipti (DECT) sem er tengdur við GSM-netið.

2. gr.

1. Sameiginlega tækniforskriftin tekur til samhæfða staðalsins sem hlutaðeigandi staðlastofnun hefur samið til framkvæmdar grunnkröfunum sem um getur í c-lið til g-liðar 5. gr. tilskipunar 98/13/EB að því marki sem við á. Tilvísun í þennan staðal er tilgreind í viðaukanum.

2. Endabúnaður, sem fellur undir þessa ákvörðun, skal annaðhvort vera í samræmi við sameiginlegu tækniforskriftina sem um getur í 1. mgr. eða vera í samræmi við sameiginlegu tækniforskriftirnar sem eru skilgreindar í ákvörðunum framkvæmdastjórnarinnar 97/523/EB ⁽²⁾, 97/524/EB ⁽³⁾, 97/525/EB ⁽⁴⁾, 98/574/EB ⁽⁵⁾, 98/542/EB ⁽⁶⁾, 98/575/EB ⁽⁷⁾, 98/543/EB ⁽⁸⁾ eða 1999/310/EB ⁽⁹⁾. Þess utan skal hann uppfylla grunn- kröfurnar, sem um getur í a- og b-lið 5. gr. tilskipunar 98/13/EB, auk þess að uppfylla kröfur annarra tilskipana sem gilda um búnaðinn, einkum tilskipana ráðsins 73/23/EBE ⁽¹⁰⁾ og 89/336/EBE ⁽¹¹⁾.

3. gr.

Tilkynntir aðilar, sem eru tilnefndir til að koma í framkvæmd þeirri málsmeðferð, sem um getur í 10. gr. tilskipunar 98/13/EB, skulu sjá til þess að samhæfði staðallinn, sem er vísað til í viðaukanum, eða samhæfðu staðlarnir sem um getur í viðaukunum við ákvarðanir 97/523/EB, 97/524/EB, 97/525/EB, 98/574/EB, 98/542/EB, 98/575/EB, 98/543/EB eða 1999/310/EB, séu notaðir fyrir endabúnaðinn sem fjallað er um í 1. mgr. 1. gr. þessarar ákvörðunar.

(2) Stjtið. EB L 215, 7.8.1997, bls. 48.

(3) Stjtið. EB L 215, 7.8.1997, bls. 51.

(4) Stjtið. EB L 215, 7.8.1997, bls. 54.

(5) Stjtið. EB L 278, 15.10.1998, bls. 30.

(6) Stjtið. EB L 254, 16.9.1998, bls. 28.

(7) Stjtið. EB L 278, 15.10.1998, bls. 35.

(8) Stjtið. EB L 254, 16.9.1998, bls. 32.

(9) Stjtið. EB L 119, 7.5.1999, bls. 57.

(10) Stjtið. EB L 77, 26.3.1973, bls. 29.

(11) Stjtið. EB L 139, 23.5.1989, bls. 19.

4. gr.

Ákvörðun þessari er beint til aðildarríkjanna.

Gjört í Brussel 7. júlí 1999.

Fyrir hönd framkvæmdastjórnarinnar,

Karel VAN MIERT

framkvæmdastjóri.

VIDAUKI

Tilvísun í gildandi samhæfðan staðal

Samhæfði staðallinn, sem um getur í 2. gr. ákvörðunarinnar, er:

Digital Enhanced Cordless Telecommunications (DECT); Global System for Mobile communications (GSM); attachment requirements for terminal equipment for DECT/GSM dual-mode terminal equipment

(Aukin stafræn þráðlaus fjarskipti (DECT); GSM-farsímakerfi; tengikröfur vegna DECT/GSM samsetts endabúnaðar)

ETSI

Fjarskiptastaðlastofnun Evrópu

Aðalskrifstofa ETSI

EN 301 439 V1.1.1 — janúar 1999

(að undanskildum formála)

Viðbótarupplýsingar

Fjarskiptastaðlastofnun Evrópu er viðurkennd samkvæmt tilskipun ráðsins 98/34/EB.

Samhæfði staðallinn, sem um getur hér að framan, er saminn samkvæmt umboði sem gefið er út í samræmi við viðeigandi málsmeðferðarreglur tilskipunar ráðsins 98/34/EB.

Unnt er að fá orðréttan texta framangreinds samhæfðs staðals með því að snúa sér til:

Fjarskiptastaðlastofnun Evrópu,
650, route des Lucioles,
F-06921 Sophia Antipolis Cedex

eða

Framkvæmdastjórn Evrópubandalaganna,
DGXIII/A/2 – (BU 31, 1/7)
Rue de la Loi/Wetstraat 200
B - 1049 Brussels

eða einhverrar annarrar stofnunar sem annast afhendingu ETSI-staðla, en skrá yfir þá má finna á netfanginu www.ispo.cec.be. á Netinu.
